



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇՐՋԱԿԱ ՄԻՋԱՎԱՅՐԻ ՆԱԽԱՐԱՐՈՒԹՅՈՒՆ
ԱՆՏԱՌԱՅԻՆ ԿՈՄԻՏԵ
ՆԱԽԱԳԱՀ

« 27 » « հոկտեմբեր » 2023թ.

N 103-Կ

Հ Ր Ա Մ Ա Ն

ՆԵՐՔԻՆ ԵՎ ԱՐՏԱՔԻՆ ԱԶԴԱՐԱՐՄԱՆ ԴԵՊՔՈՒՄ ՀԱՂՈՐԴՈՒՄՆԵՐԻ
ՀԱՇՎԱՌՄԱՆ ԵՎ ՁԵՎԱԿԵՐՊՄԱՆ ՀԱՄԱՐ ՊԱՏԱՍԽԱՆԱՏՈՒ ԱՆՁ
ՆՇԱՆԱԿԵԼՈՒ ՄԱՍԻՆ

Ղեկավարվելով «Ազդարարման համակարգի մասին» օրենքի 9.1-րդ հոդվածի պահանջներով և հիմք ընդունելով Կառավարության 2023 թվականի հուլիսի 6-ի N 1148 որոշման 8-րդ կետը և Կառավարության 2018 թվականի մարտի 15-ի N 272 որոշումը, ինչպես նաև Շրջակա միջավայրի նախարարի 2018 թվականի հունիսի 22-ի N 172-Լ հրամանի 18-րդ կետի 11-րդ ենթակետը .

Հ Ր Ա Մ Ա Յ ՈՒ Մ ԵՄ՝

1. Ներքին և արտաքին ազդարարման դեպքում հաղորդումների հաշվառման և ձևակերպման համար պատասխանատու անձ նշանակել Շրջակա միջավայրի նախարարության անտառային կոմիտեի իրավաբանական վարչության պետ Նարինե Մկրտչյանին:
2. Հաստատել Շրջակա միջավայրի նախարարության անտառային կոմիտեի պաշտոնական կայքէջում հրապարակվող տեղեկատվությունը՝ համաձայն հավելվածի:
3. Շրջակա միջավայրի նախարարության անտառային կոմիտեի իրավաբանական վարչության պետին՝ ապահովել «Ազդարարման համակարգի մասին» օրենքի և Կառավարության 2018թ. մարտի 15-ի N 272-Ն որոշման պահանջների կատարումը:
4. Շրջակա միջավայրի նախարարության անտառային կոմիտեի նախագահի օգնական Անի Մուրադյանին՝ սույն հրամանով նշանակված պատասխանատու անձի տվյալները և հրամանի հավելվածով հրապարակման ենթակա տեղեկատվությունը տեղադրել Շրջակա միջավայրի նախարարության անտառային կոմիտեի պաշտոնական կայքէջում:

5. Հրամանի կատարման նկատմամբ հսկողությունը վերապահել Շրջակա միջավայրի նախարարության անտառային կոմիտեի գլխավոր քարտուղարին:

7/27/2023

X



Վ.Լ.ԿԻՐԱԿՈՍՅԱՆ

Signed by: KIRAKOSYAN VLADIMIR 1104840278

Վ. Կիրակոսյան

« 27 » « հուլիս » 2023թ.

ք.Երևան

Հավելված

Շրջակա միջավայրի նախարարության
անտառային կոմիտեի նախագահի 2023 թվականի
հուլիսի 27-ի N 103-Ա հրամանի

Շրջակա միջավայրի նախարարության անտառային կոմիտեի պաշտոնական կայքէջում
հրապարակման ենթակա տեղեկատվություն.

Շրջակա միջավայրի նախարարության անտառային կոմիտեի համակարգում ներքին և
արտաքին ազդարարման դեպքում հաղորդումների հաշվառման և ձևակերպման
պատասխանատուն է Շրջակա միջավայրի նախարարության անտառային կոմիտեի
իրավաբանական վարչության պետ Նարինե Մկրտչյանը:

Հեռ.՝ +374 10 65-47-28, էլ փոստ՝ n.mkrtchyan@forestcommittee.am

ՆԵՐՔԻՆ ԵՎ ԱՐՏԱՔԻՆ ԱԶԴԱՐԱՐՈՒՄ

Ի՞նչ է ազդարարումը Ազդարարում՝ ազդարարի կողմից պետական մարմիններում,
կոոուպցիոն բնույթի դեպքի կամ շահերի բախման կամ էթիկայի կանոնների կամ
անհամատեղելիության պահանջների կամ այլ սահմանափակումների կամ
հայտարարագրման հետ կապված խախտման կամ հանրային շահերին ուղղված այլ
վնասի կամ դրանց սպառնալիքի վերաբերյալ տեղեկությունների գրավոր կամ բանավոր
հաղորդում օրենքով նախատեսված իրավասու անձին կամ մարմին.

Ո՞վ է համարվում ազդարար Ազդարար՝ ֆիզիկական կամ իրավաբանական անձ, որը
օրենքով նախատեսված կարգով բարեխղճորեն հաղորդում է տեղեկություններ
կոոուպցիոն բնույթի դեպքի կամ շահերի բախման կամ էթիկայի կանոնների կամ
անհամատեղելիության պահանջների կամ այլ սահմանափակումների կամ
հայտարարագրման հետ կապված խախտման կամ հանրային շահերին ուղղված այլ
վնասի կամ դրանց սպառնալիքի վերաբերյալ՝ կապված այն պաշտոնատար անձի կամ
մարմնի հետ, որի հետ նա գտնվում կամ գտնվել է աշխատանքային կամ
քաղաքացիաիրավական կամ վարչաիրավական հարաբերությունների մեջ, կամ որին
դիմել է ծառայությունների մատուցման նպատակով, կամ որը սխալմամբ ընկալվել է
որպես ազդարար:

Անձը համարվում է սխալմամբ ընկալվող ազդարար, եթե նա չազդարարելով ընկալվել է
որպես ազդարար այլ անձանց կողմից, կամ որի հանդեպ կիրառվել են վնասակար
գործողություններ.

Որո՞նք են ազդարարման նպատակները

1) բացահայտել կոռուպցիոն բնույթի դեպքերը, շահերի բախման, էթիկայի կանոնների, անհամատեղելիության պահանջների և այլ սահմանափակումների, հայտարարագրման հետ կապված խախտումները, հանրային շահերին ուղղված այլ վնասները.

2) նվազեցնել և կանխարգելել կոռուպցիան.

3) նպաստել կոռուպցիայի նկատմամբ հասարակական անհանդուրժողական վերաբերմունքի ձևավորմանը:

Ի՞նչ է ներքին ազդարարումը

Ներքին ազդարարում է համարվում հաղորդումը ներկայացնելն իր անմիջական ղեկավարին կամ նրա վերադասին կամ նրա նկատմամբ վերահսկողություն իրականացնող այլ անձի կամ իրավասու մարմնի ղեկավարի լիազորած անձին:

Օրինակ, երբ աշխատակիցը իր վերադասին կամ նախարարի կողմից լիազորված անձին հաղորդում է ներկայացնում նախարարության համակարգում տեղի ունեցած որևէ կոռուպցիոն բնույթի դեպքի կամ շահերի բախման կամ էթիկայի կանոնների խախտման կամ անհամատեղելիության կամ հանրային շահերին ուղղված այլ վնասի կամ դրանց սպառնալիքի վերաբերյալ:

Ի՞նչ է արտաքին ազդարարումը

Արտաքին ազդարարում է համարվում իրավասու մարմին հաղորդում ներկայացնելը: Օրինակ, երբ քաղաքացին հաղորդում է ներկայացնում նախարարության համակարգում տեղի ունեցած որևէ կոռուպցիոն բնույթի դեպքի կամ շահերի բախման կամ էթիկայի կանոնների խախտման կամ հանրային շահերին ուղղված այլ վնասի կամ դրանց սպառնալիքի վերաբերյալ:

Ի՞նչ է ազդարարման միասնական էլեկտրոնային հարթակը

1. Ազդարարման միասնական էլեկտրոնային հարթակի միջոցով ազդարարը կարող է անանուն եղանակով հաղորդել տեղեկություններ հանցագործության մասին:

2. Միասնական էլեկտրոնային հարթակի միջոցով Հայաստանի Հանրապետությունը՝ ի դեմս Հայաստանի Հանրապետության կառավարության լիազոր մարմնի (ՀՀ արդարադատության նախարարության), երաշխավորում է ազդարարի պաշտպանությունը՝ ապահովելով նրա անանունությունը:

Ազդարարման գործընթացը կարգավորող օրենսդրությունը

1. «Ազդարարման համակարգի մասին» օրենք

2. Կառավարության 15 մարտի 2018 թվականի «Ներքին և արտաքին ազդարարման դեպքում հաղորդումների հաշվառման և ձևակերպման օրինակելի ձևը, ինչպես նաև

ագդարարին տրվող պաշտպանության միջոցների իրականացման ընթացակարգը սահմանելու մասին» 272-Ն որոշում: